

欽定石渠寶笈續編

欽定石渠寶笈續編

第八

乾清宮藏

列朝名人書畫

宋高宗書馬和之畫後赤壁賦圖

一卷

本幅絹本縱八寸一分畫幅橫四尺四寸水

墨畫赤壁泛舟景無名款書幅橫三尺三寸

二分草書蘇軾後赤壁賦是歲十月之望

步自雪堂將歸於臨臯二客從予過黃泥之

坂霜露既降。木葉盡脫。人影在地。仰見明月。
顧而樂之。行歌相答。已而歎曰。有客無酒。有
酒無肴。月白風清。如此良夜。何客曰。今者薄
暮。舉網得魚。巨口細鱗。狀似松江之鱸。顧安
所得酒乎。歸而謀諸婦。婦笑曰。我有斗酒。藏
之久矣。以待子不時之需。於是搗酒與魚。復
遊於赤壁之下。江流有聲。斷岸千尺。山高月
小。水落石出。曾日月之幾何。而江山不可復

識矣。子乃攝衣而上。履巉巖。披蒙茸。踞虎豹。登虬龍。攀栖鵲之危巢。俯馮夷之幽宮。蓋二客不能從焉。剴然長嘯。草木震動。山鳴谷應。風起水湧。予亦悄然而悲。肅然而恐。凜乎其不可留也。反而登舟。放乎中流。聽其所止而休焉。時夜將半。四顧寂寥。適有孤鶴橫江東來。翅如車輪。緇裳縞衣。戛然長鳴。掠予舟而西也。須臾客去。予亦就睡。夢一道士。羽衣翩

遇過臨臯之下。揖予而言曰。赤壁之遊樂乎。
問其姓名。俛而不答。嗚呼噫嘻。我知之矣。疇
昔之夜。飛鳴而過我者。非子也耶。道士顧笑。
予亦驚悟。開戶視之。不見其處。款印二。雙龍
圓璽。太上皇帝之寶。

後幅篆書。後赤壁賦。無名款。

鑒藏寶璽

八璽

收傳印記。梁清標印。蕉林秘玩。蒼巖子。河北

巢村。冶溪漁隱。蒼巖子。梁清標。王立氏印章。
觀其大畧。梁雖之印。鍊雪。若霽。晴嵐居士。晴
嵐珍藏。張氏。晴嵐張子。雪邊人。晴嵐鑒定。
張晴嵐收藏印。晴嵐甫。縕真閣圖書記。張伯
子鍊雪鑒定。清河張若霽。晴嵐氏珍玩之章。
縕真。鑪烟當畫引揮毫。

謹按。畫畫舫云。錢唐馬和之。失其字號。紹興
中登第。官至工部侍郎。或云畫院待詔。非是。
畫鑒云。馬和之。人物甚佳。行筆飄逸。時人目
為小吳生。

宋人法書 四冊

本幅紙本四冊。第一冊二十四葉。首冠宋徽宗書。以下李宗諤起。至張商英止。二十有三
人書。第二冊二十五葉。蔡襄起。至張閻止。二
十有四人書。第三冊二十五葉。李彭起。至沈
與求止。二十有五人書。第四冊二十四葉。翟
汝文起。至陸秀夫止。二十有三人書。共九十
五人。

第一冊第一。縱一尺二分。橫一尺九寸六分。
宋徽宗瘦金體書。欲借嵯峨萬仞崇。故將工
巧狀層峯。數尋蒼色如烟合。一片盤根似解
封。院宇接連常藉竹。池亭掩映却憑松。分明
裝出依巖寺。只欠清宵幾韻鐘。風霜正臘晨
早見。幾枝新預荷東皇化。偷回北苑春。棋檯
雖不類。薜蘿似堪倫。已有清榮論。終難混棘

春。

謹案是蹟見式古堂書畫彙考。

第二縱一尺一寸。橫九寸六分。李宗諤楷書。
詩送士龍腹兄從表弟翰林學士李宗諤上。
銅魚四明守竹馬十年兄。摻袂河梁別。鳴橈
澤國行。登樓知日近。傍海見潮生。郡政應多
暇。新詩幾首成。

謹案李宗諤字昌武。饒陽人。官至左諫議大
夫。是蹟見書畫彙考。

第三縱一尺。橫一尺四寸九分。葉清臣行楷。

書清臣啟。近追大旆。久侍緒言。乍此睽分。伏
惟企戀。伏承已涓良日。據案署事。東南千里。
蒙福此初。僻陋小邦。日念餘潤。甫憩棠蔭。體
中若何。聽決餘閑。善輔冲守。不宣。清臣再拜。
資政大諫天休十兄防閣。七月五日。

謹案清臣字道卿長洲人官侍讀學士知河
陽是蹟見書畫彙考乃致鄭戡書天休戡字

第四縱八寸三分。橫一尺五寸三分。富弼行
書。弼修建墳院得額已久。先人神刻。理當崇

立。今天下文章惟君謨與永叔主之。又生平
最相知者永叔方執政。不欲干請。獨有意於
君謨久矣。但為編次文字未就。故且遷延。昨
因示論。輒敢預聞下執。即非發於偶然。惟故
人倫察。少安下情也。皇恐皇恐。院榜候得請
別上聞。次圓覺偈。亦如教刊模也。哀感何勝。
弼又上。溫柑絕新好。盡薦於几筵。悲感悲感。
弼又啓。

謹案是蹟刻入
三希堂法帖乃致蔡襄書

第五縱八寸四分橫一尺三寸六分文彥博
行書彥博啟先此郵中得報內翰奄弃盛年
久忝知契聞訃摧咽況乎天性何可勝處切
須自勉老年如何當此生於前年罹此痛猶
賴素曾留意於無生法故粗能自遣幸聽愚
者之言彥博

謹案是蹟刻入
三希堂法帖

第六縱九寸五分橫一尺五寸二分司馬光楷書。天聖中先太尉與故相國龐公同為羣牧判官。故省副陳公與龐公善。先以孺子得拜陳公於榻下。元豐二年八月乙丑晦陳公之孫法曹過洛。以公手書詩藁相示。追計五十年矣。烏呼人生如寄。其才志之美。所以能不朽於後者。賴遺文耳。苟無賢子孫。其湮沒不顯於世。可勝道哉。光竊自悲。侍公之久。今

日乃得睹公之文。又喜法曹君之賢能顯融其先烈。是敢嗣書於羣賢之末。涑水司馬光

謹案跋中所示先太尉乃光父池故相龐公乃龐籍省副陳公乃省華也

第七縱八寸二分橫一尺六寸七分歐陽修

楷書修啓修以衰病餘生蒙上恩寬假哀其懇至俾遂歸老自杜門里巷與世日疎惟竊自念幸得早從當世賢者之遊其於傾嚮德義未始少忘於心耳近張寺丞自洛來出所

惠書其為感慰何可勝言。因得仰詞起居喜
承宴處優閑。履况清福。春候暄和。更無為時
愛重。以副縉紳所以有望者。非獨田畝垂盡
之人區區也。不宣。修再拜。端明侍讀留臺執
事。三月初二日。鈐印一。六一居士。

謹案司馬光以端明殿學士分司西京。此札
蓋致光書也。是蹟刻入
三希堂法帖。

第八縱八寸。橫一尺。張方平楷書。賢郎在侍。

下。留錢塘也。今有慰疏告為附達寵惠名茶。
不任愧感。中間示諭新製火爐告令買兩所。
因便寄及為幸。方平啓對幅有吳寬陳衍跋。

右宋名臣杜祁公唐質肅公張文定公韓獻
肅公兄弟手帖五通皆真迹也太宰林公俾
寬鑒之謹記其後宏治庚申七月晦吳寬拜
書鈴印二吳寬原博

張安道名茶帖文定教人學書運筆先從篆
籀入門宜其腕力有餘若此當玉介甫在館
間時公惡其矯激擯之出院范翁所跋計五
人僅存此紙蓋林康懿舊物也鈴印一陳衍
之印

謹案方平字安道歸德府人官叅知政事是

蹟見書畫彙考。以中康懿。乃林庭樞語。

第九。縱八寸八分。橫九寸七分。沈遵行書。屯田君士林之英。方當進用於朝。遽茲棄化。衆所嘆也。友予之情。奈何奈何。孔子稱仁者壽。云者。不以年也。謂聖人達死生之理。而若常存云爾。明哲深於是。庶可不傷於性焉。遵上

謹案遵。字文通。錢塘人。官翰林學士。是蹟見書畫彙考。

第十。縱七寸五分。橫七寸七分。趙抃楷書。抃

啓辱誨示以南都山藥分惠曷勝珍感介還
布謝崖畧不宣并頓首知郡公明大夫坐前
即刻海柑四十顆容易為獻皇恐皇恐

謹案括字閩道衢州西安人官叅知政事是
蹟見書畫彙考刻入

三希堂法帖

第十百縱八寸四分橫九寸呂公弼行書于
安學問博瞻材智深遠豈能久困常選方朝
廷搜揚俊異用特立之士何必借譽平常之

流公弼再拜

謹奏是蹟。見書畫彙考

第十二。縱八寸一分。橫一尺。王安石行書。安石啓過從未必得奉見。承書示。乃知連豫。又不敢謁見。唯祈將理。以副頌盼。不宣。安石上通判比部閣下。

第十三。縱九寸四分。橫一尺二寸八分。韓絳楷書。絳頓首。猥蒙訪別。以未由陞見。不及舟

次叙遠其為悚慙不勝懇懇乍遠談對切莫
倍加愛重為最走此陳謝勿勿不宣絳再拜
從事同年兄十七日書一角錢十三千七十
七陌。賤紙二軸並託求使人致錢塘知縣舍
弟太祝處容易干煩不勝愧仄。

謹來絳字子華。雍邱人。神宗時相。是蹟刻入
三希堂法帖。

第十四縱八寸八分橫九寸三分韓絳楷書
絳偶成拙頌寄冲師長老。潁州韓絳上承師

一指便心空。萬象森羅觸處通。別後自它知
不隔。漫漫積雪起寒風。

謹案是蹟。見書畫彙考。

第十五。縱九寸五分。橫一尺六寸。韓絳行書。
絳頓首再拜。留守司徒侍中。絳瞻懷館下。馳
情旦暮。昨以承乏。牽冗久疎。左右之間。悚忤
至深。冬仲嚴寒。伏唯台候。動止萬福。區區鄉
往。未繇言侍。仰覲保調。寢味下情之望。謹奉

啓不宣。繹皇恐啓上。留守司徒侍中台坐十

一月一日。謹空。

謹案繹。繹弟。是蹟見書書彙考。列入
三希堂法帖。

第十六。縱八寸九分。橫九寸二分。韓縝楷書。
縝欽聞制命。深副願言。屬此守藩。莫遑修慶。
嚮風馳想。言叙奚憊。縝又上。

謹案縝。字玉汝。繹弟。哲宗時相。是蹟見書書
彙考。

第十七。縱九寸。橫八寸九分。呂大防行楷書。

大防頓首。私門不幸。息女喪亡。伏蒙台慈。特
賜手問。仰荷軫恤。無任悲感。末由面謝。哀咽
奉啓。不次。大防頓首。尚書右丞台坐。

謹案是蹟。見書畫彙考。

第十八。縱八寸六分。橫一尺三寸二分。錢公
輔行書。公輔啓。別久。問稀。日遲。還轅之來。得
元珍書。乃知憂羈。歸於故里。榮養未幾。不遂
雅志。痛當奈何。痛當奈何。冬序已晚。不審孝

履何若。未由面慰。惟冀節哀。以力大事。遠情
所祝。不宣。公輔手啓。公默秘校大孝服舍。張
微之同。此哀苦。料日得相依。足以自寬。季冬
初七日。

謹奉公輔字君倚武進人。官知揚州。

第十九。縱九寸九分。橫二尺三寸六分。范純
仁行書。念者日。公軒馭之來。以釋煩渴。天氣
計寒。必已倦出。應且監桓過冬。况伯康初安。

諒難離去咫尺

此行在又尺二字

無由往見豈勝

思仰之情更祈以時倍加保重其他書不能

盡純仁頌首上伯康君實二兄坐前九月十

一日

設案是時見書畫景者乃致司馬光兄弟書伯康即光兄且也

第二十。縱九寸五分。橫一尺三寸六分。范純

粹行書。純粹發久不見故人。每以依仰。東吳

山水之國。風物秀麗。食飲佳饌。想全翁甚樂

之也。純粹守此五年矣。比再滿才歲餘耳。淺拙自存。無足言者。親者得此地涼。疾體稍便。二家兄到晉。數得書。三家兄且安職。然去意常在也。何當款語。以紓遠情。餘非此可道也。

純粹上

謹案純粹字德瑞。仲淹季子。官徽猷閣待制。是蹟見書畫彙考。列入。

墨妙軒法帖。札中所云二家兄。即純仁三家兄。一乃純禮也。

第二十一。縱九寸二分。橫一尺二寸五分。呂

嘉問行書。嘉問衰晚無堪。蒙恩進職。易郡。悉
出交遊延譽之賜。將何補報。有媿而已。辱誨
示副。以慶函禮意之厚。益重慚畏。嘉問至青
社累月。乍脫東南之劇。就一州之安。良以為
幸。但未知晤語之日。馳情悵悵。嘉問再拜。

謹案嘉問字望之。公孫從孫。官龍圖閣學士。
是蹟見古畫彙考。嘉問黨於安石。惇主屢蹟
屢起。史載其出知常州。江寧府。潤州。故云東
南之劇。其知青州。史失載。

第二十二。縱八寸五分。橫一尺二寸二分。唐

炯行書。炯啓。征局冗坐。忽辱珍翰。意快目明。殊增欣感。昨日紙再納一。當朝夕躬請左右。次不宣。炯再拜。彥遠尊兄侍史。午刻。

謹案炯字林夫。錢塘人。官同知諫院。是蹟見書畫彙考。列入。

墨妙軒法帖

第二十三。縱九寸。橫一尺三寸八分。趙令時行書。令時頓首。辱惠翰。伏承久雨。起居住。膝蒙餉梨栗。愧荷。比拜上恩。賜茶。分一餅可奉。

尊堂餘奠為時自愛不宣。令時頓首。仲儀兵曹宣教。八月廿七日。

謹案是請。見書畫彙考刻入。二希堂法帖。乃致王素書仲儀。素字。

第二十四縱九寸八分。橫一尺五寸九分。張商英行書。商英惶恐。女夫王為之蒙收錄。八月七日。已解商水任。薦格餘滿。遂可改京。商英受賜。與王氏均等。今第二女夫楊開還蜀。輒令請見。恐或下問河東北間事。蓋楊生從

商英者二年矣。伏恐上知。商英惶恐再拜。

註案商英字大覺。新津人。徽宗時相。是時見

冊。明。

第二冊第一。紙九寸二分。橫一尺二寸四分。
蔡襄草書。襄得足下書。極思詠之。懷在杭留
兩月。今方得出關。歷賞劇醉。不可勝計。亦一
春之盛事也。知足下與郡侯情意相通。此固
可樂。唐侯言王白今歲為游閨所勝。大可怪
也。初交時。景清和。願君侯自壽為佳。襄頓首。

通理當世屯田足下大餅極珍物青甌微粗
臨行念念致意不周恚

謹案是蹟見珊瑚網真蹟日錄書畫彙考刻
入三希堂法帖乃致馮京書當世京字

第二縱九寸一分橫九寸七分王素楷書素
再拜啓陝右久藉才德宣布天子之惠一方
安肅寔解朝廷西顧之憂然偶淹使麾輿議
甚懣想進用之命不出旦夕伏冀寬以處之

前近寵數少慰門人之望幸甚幸甚素再拜
謹案素字仲儀且之季子官工部尚書

第三縱七寸一分橫八寸三分蘇軾行書元
豐八年正月旦日子由夢李士寧草草為具
夢中贈一絕句云先生惠然有見容旋買雞
豚旋烹炙人間飲酒未須嬌歸去蓬萊卻無
喫明年閏二月六日為予道之書以遺過予
坡翁

謹案是蹟。見書畫彙考。

第四。縱八寸三分。橫一尺三寸八分。蘇轍行
書轍啓。頃承車馬按部。獲少奉談笑。殊慰傾
瞻。奉違未幾。即日不審起居。何如。轍幸此解
罷。免於敗闕。皆出餘庇。感戴實深。未遑走謝。
左右。惶悚可量也。酷暑千萬為時珍重。謹奉
手啓。不宣。轍再拜。提刑國博執事。六月九日。

謹案是蹟。見書畫彙考。列入
三希堂法帖。

第五。縱一尺八分。橫一尺三寸。王覲行。畜覲
再拜。平江酒毛汝能。乃覲所辟置。天下之奇
材。而湯德廣諸人。不以法度御之。多取以供
它費。小使臣不敢忤其意。至今循習不改。
覲已請於朝。欲自使令。今已得數萬緡酒本。
方營求數十區屋材。與治清河一坊。追復其
舊。稍待三兩月之期。使司必與享此利。欲望
一差。檄過杭。嚴戒以即日。上道。幸甚。第勿令

守知此意也。覲再拜。有原簽無名款。

王翹字明叟。秦州如皋人。第進士。熙寧中為
編修三司令。刑定官。不樂久居職。求出州推
官。當因二浙早。奉檄覆書。悉除諸稅。觀此札
言辟置毛汝能監酒。豈覲亦當掌稅事耶。覲
後知潤州。胡宗愈亦知潤州。杞中所謂胡守
者。豈即宗愈耶。
謹案是蹟刻入
三希堂法帖

第六縱八寸八分。橫一尺二寸七分。孫甫行
書。甫啓。虞侯還。附手啓。必已呈左右。節級歸
又辱啓。誨承即日體况休豫。深以為慰。舟船

極荷應副。已差人申取。亦欲完葺也。有所教。
乞時惠音。餘唯順時自重。以俟。迅楫不宣。甫。
手啓。子溫運判屯田同年侍史。三月廿六日。
謹空。

謹案甫字之翰陽翟人。官侍讀。見蹟見書畫
彙考。刻入。

三希堂法帖

第七。縱九寸八分。橫一尺六寸二分。李之儀
行書之儀。再啓。伏讀別紙。延予加重。深畏非

據項自稍遠。一向於門。時到田畝間。與村老
周旋外。塊坐而已。高誼素所景仰。裹糲而趨
固所欣願。况近在數十里地。邪便當掇置。以
周傾盡。不愚早晚可回。聞其婦家已有代期。
何猶遷延也。丁君聞好事。鄙語出於展轉。應
副過煩。獎予。皇恐皇恐。叔黨定肯書否。果得
之。足以借重也。乍到。過從必未閒。又端若將
遠別。得無應接稍勞否。之儀再啓。

謀案之儀字端叔無隸人官樞密院編修是
蹟見書畫索考叔黨蘇過字

第八縱一尺橫一尺四寸五分裴煜楷書煜
啓久疎修問秀州道中賢子見過傳雅誨極
荷意愛之厚且承燕閒多遑氣宇泰然至慰
至慰此欲詣邑圖一笑之樂屬治行迫窘悵
賴不釋不克如願但向風快快無已劇寒惟
以時自重保固壽福瞻禱瞻禱煜再拜致政
太保太初兄執侍二日

謹案書畫彙考載宋賢十七劉子內有此蹟
不解爵系惟登科記載寶元六年省元裴煜

第九縱八寸七分橫一尺四寸二分林希行
書希再拜前此四年嘗於武林奉見風範然
一往來之間未極深接嘉誼而心所傾嚮固
亦異於此矣車隔以來不審侍下福履何似
希間居吳門相望才數舍未緣前見徒積瞻
跂輒奉手狀通問幸恕崖略不宣長樂林希
再拜劉君祕書文几二月十三日手狀鈐印

一希

謹案希字子中福州人官至同知樞密院是
蹟見書畫彙考希於元祐初以中書舍人言
者論其浮俗出知蘇州札中問居吳門蓋其
時也

第十縱七寸七分橫一尺二寸二分蔣之奇
行書之奇啓辱書承比來體履佳念遠宦枹
罕想難於行計也往使陝右乃所嘗到一味
只有口人與兵馬便可心習帥才也呵呵承
國門嘗見訪非諭及則不知也方暄自愛自

愛不宣之奇頓首彥和河州司馬二月二十

日

謹案之奇字類格宜與人官知樞密院事是蹟見書畫彙考

第十。縱九寸八分。橫二尺。黃庭堅行書。庭堅叩頭。比因南康簽判李次山宣義舟行奉書。并寄雙井。計夏末乃得通澈耳。急足者伏奉。三月六日手誨。審別來侍奉萬福。何慰如之。惠寄鮑詩揚州集。實副所望。廣陵四達之

衡人事良可厭。又有送故迎新之勞。計得近
文字之日極少。然旨甘之奉易豐。又弟甥在
親前。此亦人生極可意事。且主人相與平生
傾倒。餘復何言。聞說文潛有嘉除。甚慰孤寂。
但未知得何官耳。山川悠遠。臨書懷想不可
言。千萬為親自重。樽前頗能剛制酒否。每思
公在魏時多小疾。亦不能忘念。不次庭堅叩
頭。上無咎通判學士老弟。五月五日。有題識。

一行。無名款。

宋翰林太史修神宗實錄分寧黃山谷庭堅
魯直書

第十二。縱九寸七分。橫一尺九寸六分。蒲宗
孟楷書。宗孟頓首。夏中蒲兵還。辱榮翰。遙懷
德誼。無時暫忘。秋高氣清。想惟適日。視履均
勝。南北遼邈。江河阻修。引領話言。實勞鑒寐。
初寒。惟冀倍萬珍衛。手削草率。不宣。宗孟頓
首。知府鈐轄于中待制。十二日。鈐印一河東。

詮案宗為字傳正。閬州人。官資政殿學士。知河中。是蹟見書畫彙考。乃致林希畫刻入三希堂法帖。

第十三縱八寸三分橫一尺三寸八分陳瓘行書。瓘啟仲冬嚴寒。伏惟尊候萬福。瓘蒙恩遷叙兩官。昨日祇授聖恩深厚。無以論報。拜命感涕而已。五八娘已成親。十娘在後。月恐知之。七六行。謹此上問。餘乞保重。不備。瓘拜上。思濟使君大夫。十三姐縣君。十一月廿二。

日

謹案璠字堃中。南劍州人。官左司諫。是蹟見書畫彙考。

第十四。縱一尺一寸四分。橫一尺七分。陳暘行書。太常少卿陳暘行。藝當年帝所聞。聲名久矣動簪紳。文場秉筆淵源厚。師席談經業履醇。白髮忽驚萬里暮。青衫難問箸溪春。兩京模範垂芳遠。多少生徒淚滿巾。

謹案暘字晉之。福州人。官禮部侍郎。是蹟見冊湖網。書畫彙考。

第十五。縱九寸五分。橫一尺四分。陳師錫行書。師錫頓首。歲晏伏承德履休佳。辱手畢需餉名醪。野人豈當厚賜。仁者之粟。懷惠為多。餘面謝不具。師錫頓首。方迴監郡宣德執事。

謹案師錫字伯修建陽人。官殿中侍御史。是蹟見書畫彙考列入。

三希堂法帖

第十六。縱八寸。橫六寸五分。米芾行書。昨日陳攬戰戰之勝。鹿得鹿宜俟之。已約東後生。

同人莫不用煩他人也軫之只如平生十官
如到部未緣面見欲罄紳區區也芾頓首再
拜。

謹案是蹟見書畫彙考列入
三希堂法帖

第十七。縱八寸五分橫九寸三分薛紹彭草
書。昨日得米老書云欲早率吾人過天寧素
飯飯罷閱古書。然后同訪彥昭想亦嘗奉聞
左右也。侵晨求見庶可偕行。幸照察。紹彭再

拜。

謹案紹彭字道禧長安人官秘閣修撰是頃
見珊瑚網書畫彙考刻入
三希堂法帖

第十八縱八寸二分橫一尺邵鰲行書鰲啓
到京俗事區區遂不果頻上狀鄉往何可言
秋暑尚爾不審邇來公外動靜何如鰲無狀
承乏東排岸勉祇職未緣聚會會謹勒手啓
候起居唯祈以時保衛不宣鰲再拜存道良

親司理閣下

逆案。鐫字仲菴。丹陽人。官顯謨閣待制。是蹟
見書畫彙考。刻入
三希堂法帖。

第十九。縱九寸六分。橫一尺四寸一分。王巖
叟楷書。巖叟頓首。啓。潤遠清範。日並以久。第
念鄉之心。時至左右。辱教。伏承開府之初。台
候萬福。感慰無喻。歲晏。參對未期。惟冀調護
寢興。以副眷倚之重。謹奉啓。不宣。巖叟再拜。

知府安撫左丞資政二十三日鈐印一歲

謹來歲更字彥霖清平人官簽書樞密院是

蹟刺入
墨妙軒法帖

第二十。縱八寸九分。橫一尺二寸四分。曾布
楷書。布頓首。還朝雖久。未獲一接緒論。傾念
不忘。比蒙枉顧。不遺。豈勝感慰。秋意加興。竊
惟優游圖史之間。諸况甚適。拘文無緣造謁。
但增鄉往。謹奉啓叙謝不宣。布手啓上質夫。

學士侍史

謹案是詩刻入
三希堂法帖

第二十一。縱九寸七分橫一尺四寸五分。曾
布指書。布頓首再拜。啓。布區區承乏守邊。辱
在隣壤。輝光潤澤之所霑。被得以庇藏。塞拙
所蒙固已多矣。而撫循勞問。眷與之渥。愈久
益隆。孤朽之資。何以堪此。佩服恩紀。愧戴而
已。叅候略具前紙。不敢重陳。悃悃之私。臨紙

莫罄萬一。伏惟幸察。謹奉手啓。不宣。布頓首。
再拜。上知府安撫資政左丞台坐。謹空。十八
日。

第二十二。縱九寸。橫一尺五寸八分。曾肇行
書。肇奉別行復歲暮傾鄉實倍常情。但公私
紛紛。為問不數。甚自媿也。別紙丁寧。豈惟並
友忠告之誼。亦出於憂國懇懇之誠。反復數
四。不勝感歎。衰拙於此。豈能超然。但再三則

濟終恐無補爾。餘非會面。不究所懷。遠書萬
一流落。不可不慮也。海陵過此。相見誠如所
諭。廣陵之傳。廼邸吏誤報。乘流得坎。任其自
然。未嘗以此為念。上下匱乏。所在皆爾。非獨
彼也。歲晚益寒。強食自愛。為祝。肇又上。

謹案。筆字子開。南豐人。華弟。官翰林學士。知
制誥。是蹟見書畫彙考。刻入。

三希堂法帖

第二十三縱八寸三分。橫九寸三分。章惇行。

書會稽尊候萬福。承待次維揚。想必迎侍過
浙中也。宜興度應留旬日。二十間必於姑蘇
奉見矣。冀盡從容。惇別紙。

謹案是蹟。見書畫彙考刻入
三希堂法帖。

第二十四縱九寸。橫一尺三寸三分。蘇邁行
書。邁頓首再拜。主管學士坐下。辱書愈勤。感
不勝道。即日庚暑。伏惟台候萬福。並承叙運。
崇秋。想惟慶慰。未即瞻近。切幾精意保理。以

前異渥不宣。邁頓首再拜。主管學士坐下。

謹案是蹟見書畫彙考

第二十五縱一尺八分。橫一尺二寸。張閣行書。子昭知縣學士。即日伏唯台候動止萬福。蕪湖解后。今已三時矣。區區不勝仰德之誠。比承外臺列薦。甚愜士論。朝廷方且以公為循良稱首。柄用宜在朝夕。忽爾西祠。何也不敢別書。未聞尚冀序節宣。無任傾倒。閣再

拜上問。

謹案閣字臺卿。河陽人。官兵部尚書。龍圖閣學士。

第三冊。第一縱九寸四分。橫一尺三寸六分。李彭草書。公闢家兄。得彼相從。當甚歡也。然亦以親老。思北歸。何時遂耶。小姝子與諸孤。幸此餬口粗安。勿煩為念。但念八長成。未有親事。三十已許與小子房。八弟十二子為婚。須候念八了當。方議之也。令嗣去年相見。或

云尚未出京。久不訪及。諒當專令人來彼取耳。別紙示諭。備悉。來諭敢不在下懷耶。未聞千萬珍重。彭頰首。

謹案彭字商。是蹟見書畫彙考。刻八墨妙軒法帖。

第二。縱九寸四分。橫一尺七寸一分。王份行。電份頰首啟。比辰薄寒。伏唯尊履蒙福。自抵輦轂。日困多事。既已眎職。復未獲遂。趨謁。第有瞻馳之勤。旦晏當卜祇詣。姑奉狀起居不。

宣份再拜上。欽上司。動賢友執事。

謹案是蹟。刻入三希堂法帖。

第三。縱一尺四分。橫一尺四寸三分。曾紆草書。紆以道中雨淖。狼狽之甚。欲煩左右置草履。以濟兵卒。漫納一公文去。幸留念。今晚恐不可行。來日相見。紆再拜。久直知縣七哥。偕一二十人來相接。尤幸。

謹按。紆字公義。布之子。官直寶文閣。知衢州。是蹟見書畫彙考。

第四縱一尺一分橫一尺三寸二分蔡京行
書京再拜昨日終日遠勞同詢下情悚感不
可勝言大暑不審還館動靜何如想不失調
護也京緣熱極不能自持疲頓殊甚未果前
造坐次悚忤謹啓代面叙不宣京再拜節夫
親契坐前

謹案是蹟刻入
三希堂法帖

第五縱九寸三分橫一尺七分蔡卞行書卞

拜覆雪意殊濃。昨畝大洽。殊為可慶。蒙賜答
誨。尤以感慰。適行首司呈賀雪笏記。似未穩
試為更定。如可用。即乞令寫上。也不備。卞拜
覆。四兄相公坐前。

謹案是蹟見書畫彙考刻入
三希堂法帖。似即致其兄京書。

第六縱一尺四分。橫一尺九分。蔡脩行書。脩
啟。辱手畢。伏承尊候萬福。至以感慰。承薰修
未畢。來日不得晤見。豈任馳情。謹此叙復。不

宣脩啓問子通都監

謹來脩啓之子。官禮部尚書。

第七縱八寸五分橫九寸一分吳說行書說
頓首上啟區區叙慰已具右疏即日凝凜不
審孝履何似末由一造廬次唯冀節抑哀苦
以承家世寄托之重不勝至望謹奉啟不宣
說頓首上啟大孝宣教苦次

謹來說字傳用錢塘人。官知信州。是蹟見書
畫彙考刻入

三希堂法帖

第八縱一尺一寸八分橫一尺七寸五分李
綱行書。綱再拜。近被御筆詔書。以向條具邊
防利害。特加見諭。上恩隆厚。何以克當。孤危
之跡。去國十年。間關險阻。無所不至。拳拳孤
忠。今乃見察。第深感泣。今錄詔書。并謝表。劄
子。去思不知也。綱衰病日加。不復堪為世用。
然靜而謀之。則有暇矣。近於所寓僧舍之側。

葺小園蒔花種藥為經行遊息之所戲作
梁文及圖中十二詠輒以拜呈如得妙句
林下之光幸甚幸甚綱再拜

謹按是蹟見書畫彙考列入
三希堂法帖綱罷左僕射為福建路安撫使後
當海陵南下高宗手詔令前執政條具邊防
利害上書并謝表俱見本集蓋其居福州時
也

第九縱一尺橫一尺一寸四分韓世忠楷書
世忠咨目再拜啟總領少卿台坐近專遣人

上狀諒已得達聽瑩秋暑尚煩伏惟神相公
忠台候萬福世忠濫叨政務無補於朝尚阻
良晤切冀仰副眷倚以時珍厚謹上狀不宣
世忠咨目再拜啓總領少卿台座

謹按是蹟見書畫彙考刻入
三希堂法帖云濫叨政務蓋在罷兵除樞府後

第十縱一尺三分橫一尺五寸八分趙鼎楷
書鼎以罪名至重不敢復當郡寄尋具奏陳
未賜俞允區區之私不免再陳悃悞伏望鈞

慈曲垂贊助。俾遂所請。實荷終始之賜。鼎方
在罪籍。不敢時以書至行闕。併幸憐察。右謹
具呈。伏候鈞旨。八月日。特進知泉州軍州事
趙鼎劄子。

謹案是蹟見書畫彙考。列入
三希堂法帖。

第十。縱九寸七分。橫一尺三寸八分。張浚
行書。浚再啓。遠辱手翰。良佩勤厚。治郡無補。
少祠蒙允。荷上厚恩。錫以異數。方具牢辭。未

知所報行李已出城謀為湖湘寓居之計筆
脯為况至感至感益遠會集唯祈加衛浚再
啟

謹案是疏見古畫彙考刻入
三希堂法帖

第十二縱一尺一寸三分橫一尺八寸五分
虞允文行書允文遭遣見尋辱訪別樂處既
久數千里分携可量此心愴惻也蜀墨二種
久所秘愛春秋纂例武侯將薨二書文與可

石竹大圖軸。皆蜀善本。連二麥光牋。鹿角膠
霜餅子。併以為故人壽。入夜倉卒。微甚有媿。
幸收其意也。來旦發舟。不甚早否。為修名自
悶。不勝再三之懇。右謹具呈。九月二十八日。
允文劄子。有虞堪題。

丞相手澤得之於黃舜臣名夔先生家藏時
至正二十五年七月六日也。嗣孫堪謹識。
謹案允文字彬甫。仁壽人。官左丞相。當乾道
初以叅知政事為四川制置使。故札中所致。
多蜀物也。堪字克用。允文八世孫。家長洲。洪
武中。為雲南府學教授。

第十三。縱一尺六分。橫一尺三寸八分。龍大淵楷書。大淵竊以歲華將暮。寒威益凜。伏惟戎政多暇。神介靖共。台候動止。萬福。大淵即有承顏接詞之便。預增欣躍。謹再奉手訥上。詞起居。兼謝來貺。右謹具呈。十二月日。昭慶軍承宣使知閤門事兩淮撫諭龍大淵啓。

謹案大淵。孝宗潛邸舊人。後官浙東總管。入宋史。佖傳。是蹟見書畫彙考。

第十四。縱九寸八分。橫一尺三寸四分。朱敦

儒行書。敦儒再拜。別後塵勞。都不果寓書。亦
寂不蒙寄聲。弟勤尚想。比日想諸况安適。向
者李西臺書。久塵文府。乞付示。久不見此書。
日夜夢想。告密封付。此兵回也。必不以煎迫
為罪。媿悚媿悚。偶作書多。不能覩縷。何日得
相從於黃岡懷玉間。臨書神馳。敦儒再拜。

謹案敦儒字希真河南人。官端明殿學士。是
蹟見書畫彙考刻入。

第十五縱一尺三分橫九寸七分葉衡行書
衡悚息啟縣尉奉議即日初冬薄寒伏惟警
捕有相履用多福未緣晤見切冀惠令節宣
倚須臾擢不宣衡悚息啟縣尉奉議侍史

謹案衡字夢錫金華人官叅知政事是蹟見
書畫彙考

第十六縱一尺一寸一分橫一尺六寸四分
洪遵楷書遵頓首再拜睽遠許時可量向仰
之悵里居屏迹不值端倪咫尺之間無從而

前專使伏枉教賜累楮周諄尉感無已涇川
賦章既久緬計實惠敷施彼民何幸來諭迺
欲奉祠何耶未即再晤伏幾密練哀對新渥
至叩遵頓首再拜

謹按遵字景嚴樂平人官同知樞密院事是
靖見書畫彙考

第十七縱九寸五分橫一尺二寸二分汪應
辰行書應辰頓首再拜被口口審早上起居
佳安小保謹納去期集明日未能辦須再展

昨見許公執云。須待中庸畢工。方可期集。及見梁師。乃云中庸畢工。當在後月初間。局中錢物不足。決不可候其期。容面稟丞相理會。却相聞也。不宣。應辰頓首再拜。子東學士丈。

謹按應辰字聖錫。玉山人。官吏部尚書。兼翰林學士。是蹟見書畫彙考。

第十八縱九寸四分。橫一尺五寸一分。張九成行書。九成再拜。聞宮祠已滿。且復有瘡瘍之苦。計今已安平。三八哥得書。四一哥遂有。

一男子可喜可喜。想見其室中亦自此無事矣。諸令弟讀書不輟。尤用慰懌。范蘭山以武舉得官。不聞其能文也。去歲成賦者。乃向來對門居程遜耳。范亦可往來。一見自知其人矣。九成再拜。

謹按九成字子韶錢塘人官宗正少卿權禮部侍郎是蹟見書畫彙考

第十九縱九寸八分橫一尺七尺五分范成大草書成大向蒙垂誨先大夫志中欲改定

數處即已如所教。一一更竄添入。久已寫下
草子。正以一兩處疑。封題在書案數月矣。而
未敢違。一則今之所增贈典。及諸縣及壻官
稱姓名等。皆是目今事。而僕作志。乃是吾儕
在湖蜀時。恐公點檢出來。却是一病。若不以
此為病。則可耳。公可更細考。而詳思之。若有
所疑。即飛介見諭。當即日回報。不敢復如前
日之遲徊。二則本欲力拙。自書。而勞體日增。

倦乏不能如願。不知吳興想不乏能書者。就令朱書於石。尤良便耳。揮汗草草率畧不罪。不罪成大再拜。

謹按成大字至能。吳縣人。官叅知政事。是蹟見書畫彙考刻入。

三希堂法帖。

第二十。縱一尺三寸。橫二尺三寸。王十朋行書。十朋伏蒙寵示。室銘題跋并和詩。三復欽歎。詩詞意俱工。但過情之譽。非所敢當耳。銘

跋高深微妙。然有所未諭者。不欺二字。豈晚
學無力量之人。所敢擬議。以是名室。自知得
罪。竊效古人坐右銘。聊以自警云耳。張丞相
以合天人為不欺。深得中庸謹獨。論語一貫
之旨。其說非不廣大。其為訓戒也。亦深且至
矣。而高見以為未廣。如是則吾夫子所謂惟
天為大。吾誰欺。欺天乎之語。亦未廣耶。近世
學者多流入於異端。反以吾聖人之道為小。

又以天為小而求其所謂大於虛無荒唐清
淨寂滅不驗無實之間。是之所謂大者。非欺
而何。不謂賢者過之。而亦為是說也。大是饒
舌。及神游毘邪離城稽首丈室等語。雖出於
戲翰弄墨。然先聖賢所不道。六經所不載。恐
非先生長者為後學之訓。未敢承教。金華子
之學。亦雜於佛老。至其讀和韓詩。有想見大
顛師。不應談涓塵之句。識者偉之。聖道不明。

久矣。諸儒不能無罪。因高雄文之及。輒敢布
其狂言。十用惶恐。右謹具呈。左奉議郎充集
英殿修撰權發遣饒州軍州事王十朋劄
子。

謹按十用字龜齡集清人官龍圖閣學士是
蹟見書畫彙考。

第二十一。縱九寸九分。橫一尺三寸八分。王
准行楷書。准竢罪機廷。每慙無補。上恩過厚。
延寘政塗。懇免莫從。夙夜震懼。曲承雅眷。首

遺慶緘感服之私。非筆舌所能既。尚幸台照。
右謹具呈。中大夫參知政事王淮劄子。

陸按淮。字季海。金華人。孝宗時相。是蹟見書
直隸考。

第二十二。縱九寸九分。橫一尺七寸。陸游行
書。游頓首再拜。土啓。仲躬侍郎老兄台坐。拜
違言侍。又復索月。馳仰無俄頃忘。顧以野處
窮僻。距京國不三驛。遙如萬里。雖聞號召登
用。皆不能以時修慶。惟有媿耳。東人流殍滿

野。今距麥秋尚百日。奈何。如僕輩。既憂餓死。又畏剝劫。日夜凜凜。而霖雨復未止。所謂麥又已墮。可憂境中矣。朱元晦出衛。婺未還。此公寢食在職事。但恐儒生素非所講。又錢粟有限。事柄不顯。亦未可責其必能活此人也。游去臺評歲滿尚兩月。廟堂聞亦哀其窮。然賦予至薄。斗升之祿。亦未知竟何如。日望公共政如望歲也。無階叅省所冀。以時崇護。即

廷登不宣。游頓首再拜上啓。正月十六日。

謹按是蹟。見書畫彙考。刻入三希堂法帖。乃致曾逮書。仲舒述字。

第二十三。縱九寸。橫一尺五寸一分。謝諤行書。諤昨日承垂訪。傾耳剴切之談。執事如有遇。其魏鄭公陸宣公之流亞乎。更冀日究時用。不患無特達之知也。拙句漫資一笑。區區尚容面詳。右謹具呈。益夫宣教舊友。三月日。朝散郎試右諫議大夫謝諤劄子。

謹按。字昌國。新喻人。官御史中丞。權工部尚書。是蹟見書畫彙考。

第二十四。縱一尺一寸四分。橫一尺八寸一分。王之望行書之望頓首再拜。李思通判學士尊前台座。即日薄寒。伏唯台候萬福。帥司差體量賊事。想又一出。今必已了。可作一書。與李承宣。懇渠或恐奏功。薄霑賞典也。漆器見買。近得十五哥書報浙東早禾大熟。秋間亦早。所諭戍兵。六月間作劄子稟廟堂。七月

間割下田侯施行。李侯已差百人於桂陽二
百人屯郴矣。得此想可奠枕也。大軍幾時回
應辦亦良勞也。未間保重。不宣之望。頓首再
拜。李思通判學士尊親台座。九嬭以次均休。
百一哥弟妹進茂老妻兒女。次間有妻無外
服餌藥。須面見方傳。

謹按之望。字瞻叔。教城人。官同知樞密院事。
是蹟見書畫彙考。列入

三希堂法帖。

第二十五縱一尺二分橫一尺二寸二分沈
與求行書與求頓首上子明知府侍郎親家
台席高秋氣爽伏惟台候勝常與求屏居里
社未有晤集之期千萬為國保重不宣與求
頓首上子明知府侍郎親家台席

謹按與求字必大德清人官知樞密院事是
蹟見書畫彙考

第四冊第一縱一尺一寸四分橫一尺三寸
五分翟汝文楷書汝文頓首再拜宣府觀文

僕射相公鈞座。去連左右有年數矣。昨者流
寓閩粵。適大旆亦戾止。汝文遲暮之餘。掛冠
謝事。杜門自屏。不復出謁。以故無緣詣賓次。
竊意門下車轍以千數。豈一老庸來去為多
少也。謹因使還。附承起居。謹狀。汝文頓首再
拜。宣撫觀文僕射相公鈞座。

謹按汝文字公異。丹陽人。官叅知政事。此札
乃致李綱書。是蹟刻入

三希堂法帖

第二縱九寸二分。橫二尺一寸五分。蔣燦行

楷書。兔井橋邊鷄首橫。過逢仍怯近鄉情。路

人失喜交頭語。鄰犬何知掉尾迎。重到雲房

驚落莫。直須金闕早崇成。百年香火追先志。

始信吾宗世濟榮。慣見琳宮全盛時。竭來荒

梗倍傷懷。虛堂不復瞻遺蹟。

先考通奉書壁在八蔣院今不

存。敗壁纔容覓舊題。

伯考樞密太師題三史院僕留款字帝傳

前脩皆桀黠。雲孫後裔合攀躋。興衰補弊應

商畧徙倚脩廊日欲西。冲寂觀去南莊數里。
肇建於有唐。逮今數百年。中間衰弊。吾家曾
祖太傅公為司出納。且主盟興起之。相繼累
世不墜。兵火之後。殿宇久廢弗理。房舍荒寂。
燦今再至。不勝感歎。故作二詩。紹興甲子季
秋乙亥。蔣燦拜呈。

謹按璵字宣卿。宜興人。官至宏文閣待制。是
蹟見書畫彙考。所云伯考樞密太師。乃之奇
曾祖太傅。乃堂也。是蹟刻入
三希堂法帖。

第三縱八寸三分橫一尺二寸胡安國行書
安國頽首稍疏奉問但企仰不忘爾辱教伏
承尊履之休良用感慰郡久缺雨今日方得
少雨不審治下何如劬農之仁所留意者故
以奉問也安國此牘自如未有占對之日幸
為人自重不宣安國再拜伯高太博尊兄閣
下

謹按安國字康侯崇安人官寶文閣直學士
是蹟見書畫彙考

第四縱九寸三分橫一尺八寸三分洪咨夔
行書咨夔別後無日不病抱病應酬病愈甚
猿鶴入夢屢矣手帖來前雲氣猶濕恍然分
半席梅檀林之下尉浣可量舊詩入石呈醜
為多跋語非所敢承朝家欲移瓶錫於茂苑
隨處結緣有何不可而力辭近時衲子謀窠
座與干差遣同安知老菜根通天下只一般
滋味靜退高風可勝敬仰盟陀花竹無恙大

衆安穩。六月八日。咨夔。皇恐。上記。舟公堂頭。
禪師。佳茗多感。香杏仁一包。試叅之。咨夔。

謹按。咨夔。字舜愈。於潛人。官刑部尚書。

第五縱九寸。橫一尺一寸三分。朱熹行書。熹
昨蒙賜書。感慰之極。偶有小職事。當至餘姚。
歸塗。專得請見人。還撥冗布稟。草草餘容面。
既。右謹具呈。提舉中大契丈台座。六月日宣。
教。郎直秘閣。提舉兩浙東路常平茶鹽公事。

朱熹劄子

謹按是蹟。見書畫彙考。結銜提舉浙東。與前陸游札。朱元晦方出銜。焉正同時。

第六縱一尺五分。橫一尺七寸八分。樓鑰行書。鑰泣血再拜上啓。叔清宣教親契兄坐前。梅天雨潤。伏惟聖室有相。孝履支福。鑰區區哀訴之惘。已列前牘。不復重陳。母氏之喪。比者蒙頒奠之渥。且勤臨慰。偶以負土山間。不及號訴。歸見弟輩言之。方欲尋便脩謝。忽又

被專書心慰心感。並增不敏之愧。況門下遭
艱。無由一拜總帷。乃荷周綴如此。尤見崇篤
之誼。鑰老矣。去歲積病之餘。繼以大禍。去死
一髮。苟延視息。以圖大事。已卜臘八舉葬。得
了此段。則此身必不久於世。遂將相尋于九
京。不敢自期於再見。馮紙悲哽。惟冀節宣以
時前迓。亨耄。扶力不次。鑰泣血再拜上啟。叔
清宣教親契兄坐前。

謹按倫字大防鄆縣人官叅知政事是蹟見書畫彙考

第七縱一尺一寸二分橫一尺六寸八分張孝祥行書孝祥拜覆適一再具書當既闕徹即日恭惟尊候萬福孝祥少懇趙不疚縣尉既出門下極深感激聞以未獲却賊差人督捕此固當然但閱日已久賊終未可盡獲欲告且與追還使臣者渠當日夜究心期於必獲也僭易皇恐之極謹拜覆不備孝祥拜覆

姨夫判府留守待制侍郎台坐

謹按孝祥字安國。烏江人。官湖北路安撫使。是蹟見書畫彙考。

第八縱一尺七寸。橫一尺四寸三分。汪藻行書。藻咨目頓首再拜上啓。太虛判院朝議台坐。違別滋久。瞻仰采深。忽辱貽教。從審即日秋杪。氣肅。神明攸相。台候動止。萬福。且感且尉。正賒參覲。敢覲精調。茵鼎前膺。殊渥。謹奉狀布。復不宣。藻咨目頓首再拜上啓。太虛判

院朝議台坐

謹按蔭字彥事德興人。官顯謨閣學士。是蹟見書畫彙考。

第九縱九寸四分橫一尺四寸八分胡沂行書沂頓首奉手畢欣承初暑起居住佳定即行小款他留面言六嫂郎娘安勝不悉沂再拜壽翁節推六哥

謹按胡沂字周伯餘姚人官禮部尚書

第十縱一尺二分橫一尺一寸九分張綱楷

書網比以小兒堅乞回授封號事。上干鈞聽。
方懼冒浼。乃蒙特為開陳。俯從所請。非參政
留念之力。何以得此。舉室榮感。不可言。堅以
宮祠任滿。束裝造朝。已令申乞呼召。面別謝
悃。儻辱與進。畧賜提耳之誨。使晚學小生。得
所矜式。幸甚幸甚。右謹具呈。資政殿學士左
太中大夫致仕張綱劄子。

謹按綱。字彥正。金壇人。官參知政事。足蹟見
書畫彙考。

第十。縱九寸五分。橫一尺二寸八分。康與之行書。與之上覆。宮使尚書先生台席。與之遠去門下。忽將兩月。馳情悵悵。日夕以之。庚伏炎酷。共惟燕居優游。神物協相。台候動止。萬福。與之遠賴輝庇。粗爾遣免。未即侍見。敢祈珍育。行膺寵異。謹奉啓承。記實。不宣。與之上覆。宮使尚書先生台席。謹空。

謹按與之字伯可。官臺郎。是蹟刻入三希堂法帖。

第十子縱一尺。橫九寸八分。韓元吉行書。元吉頓首上覆。伏奉手教。欣審晴寒。台候萬福。用搏竹萌。拜貺珍感。但頗倒置。媿甚。節中可見臨少款否。書匣偶無之。尋即為人覓去也。它須面慶。匆匆不宣。元吉頓首上覆。司馬朝議二兄台座。

謹按元吉。琦之後。官江淮轉運使。

第十三。縱一尺八分。橫一尺三寸四分。楊萬

里草書。萬里伏以首夏清和。恭惟達孝宮使
判府中大。新拜祝釐。高蹈事外。天相台候。動
止萬福。萬里素餐。有若亡補。縣官未以罪行。
庇焉所逮。知感知幸。尚遙良覲。敢幾盡珍愛
理。即膺子環之寵。右謹具呈。四月廿二日朝
請郎守尚書左司郎中兼太子侍讀楊萬里
劄子。

謹按萬里字廷秀。吉水人。官寶謨閣學士。是
蹟見書畫彙考。其官左司郎中。乃淳熙十二

三年事

第十四。縱九寸三分。橫一尺四寸。徐夢莘行書。莘頓首。區區久不上記。企想不勝。口日遞中。蒙問。伏審公暇。履用安裕。數日前得勅。合部。尚未知名。在舊治所。還會于北都矣。予正已自申陳。恐已得明文。及其他處置行違。並乞示諭。但恐解舍不足當煩。為慮。久此孤陋。再獲款免。喜可知也。未聞切莫保重。不宣。莘。

啓上安國贊善閣下。廿日新樂縣燈下。鈐鼎
印一德新。

謹按夢華字商老。臨江人。官直秘閣。是蹟見
書畫備考。

第十五縱八寸。橫一尺一寸六分。杜良臣行
書。良臣連日荷勤。顧老親。昨日暑中。令閤嫂
嫂仍勞遠出。尤感尤感。專介至。詢問醫者。蓋
猶未至也。媽媽今日却已不甚熱。然不敢投
藥。且喫粥糜。今日且不勞見過。候柴醫却相

聞同商議投藥欲得中興登科記最後一冊
檢朝貴家諱發劄子幸即檢付去僕一示餘
容面對以究草草希友亮良臣啓中一哥新
恩中除賢弟

謹按良臣字子卿預章人見書史會要是蹟
見書畫彙考刻入

三希堂法帖

第十六縱九寸六分橫一尺六寸六分張即
之行書即之適間伏聞從者來歸喜欲起舞

想見太夫人慈顏之喜可掬也。野衣黃冠擁
嬾殘猥芋之火。不能亟謁。已拜墜染。將以南
珍行李甫息肩。眷軫首及庭。為顧何以稱之。
敬須侍謝。次令弟賜翰。已領。即之拜稟。殿元
學士尊親契兄台坐。染物甚佳。

謹按是蹟見書畫彙考刻入
三希堂法帖

第十七。縱九寸二分。橫一尺四寸八分。張即
之行書。即之上。問尊堂太安人。壽履康寧。親

眷內外均介殊祉。小兒率婦孫以下列拜。長倩婦有微貲。不敢以寒陋廢禮。一笑領畧。幸甚。色線翠小櫃各小掩。併附還介。輕瀆知媿。老不能為役。不敢請委目。即之上問。

第十八。縱九寸二分。橫一尺三寸。張讀行書。讀悚恐再啓。賤息失教。先生肯幸臨。灑掃延几杖。豈宜少緩。而廼爾悠悠。真罪人。比來屬老親為穿窬所擾。尤更煎熬。正擬揆日造請。

安海之召宜宜捨我以徇切願勿渝風諾今日雖岑寂未填溝壑尚冀有以效區區也來日得暇一紆顧幸甚幸甚讀再拜

謹按是疏見書畫彙考

第十九縱一尺二分橫一尺四寸四分喬行簡行書行簡恐勤染報不敢醜縷少意拜稟女夫王太社儀今亡矣有少田土乃典物為人昏賴事已結斷乃復興訟擾其幹人小人

之姦詐欺孤如此。望為詳酌而分明之。小女亦不在無人照管。仍且免追其幹人。是幸。瑣細干指。愧甚。切幾台照。右謹具呈。十一月日少傅平章軍國重事益國公喬行簡劄子。

謹按行簡字壽朋。東陽人。官左丞相。是蹟見書畫彙考。

第二十。縱九寸九分。橫一尺二寸四分。于謨行書。于謨頓首。兩兵還口口想已達多日矣。比建安使來。方得八月間所留一書。亦足少。

慰老情。即日冬晴。紉惟佐政之暇。所履勝常。
衰朽自春徂冬。脾病不能久食。形骨癯。口服
藥無效。今一切罷去。安之以命。亦自馱其餘
生矣。元素弟當能道曲折。疲憊不復覩。縷可
細問之。未由占晤。千萬以時自厚。不宣于謨。
頓首。顯道通守朝奉友契。

謹按是蹟。見書畫彙考。

第二十。縱一尺四分。橫一尺三寸三分。程

元鳳行書元鳳皇恐拜稟提舉郎中元鳳劉
承翰況把玩欣懌董督易楮遴選明敏之才
合議惟允申諭引避何耶為國宣勞勿辭甚
幸匆遽不暇詳雅總幾乎丙右謹具拜呈宣
月日金紫光祿大夫右丞相兼樞密使程元
鳳劄子旁有解楮局回劄五字鈐封楷書劄
子拜呈提舉洪金子光祿大夫右丞
相兼樞密使程元鳳謹封鈐印元鳳
謹按元鳳字申甫徽州人官右丞相
第二十二縱一尺六分橫一尺四寸四分葛

洪行書。洪叩首拜啓。仁仲府判計議丈台坐。
洪憂苦杜門。無從訪便。疎於具問起居。唯是
卷卷瞻仰之私。不少忘爾。近在橫港。解后六
六哥。獲聞諸况之詳。政欲朝夕拜狀。忽奉十
七日所貽教。佩服記憐。俯慙不敏也。即辰共
惟闕決神相。台候動止萬福。洪苟活餘息。遽
及祥禪。觸緒摧割。荼毒如初。新歲只數日間。
殊忽忽無生意也。竊承題與事簡。頗多閑暇。

但六六哥暫去侍旁。想不無書尺應酬之勞。
二姐以次諸眷。春和必俱過治所。當不落莫
耳。承侍未涯。臨風馳遡。伏冀為邦家崇護。茂
介新祺。謹上狀不次。洪叩首拜。啓。仁仲府判
計議丈台座。十二月廿六日。謹空。

謹按洪。字容父。東陽人。官叅知政事。

第二十三。縱一尺四分。橫一尺二寸。陸偃行
書。偃皇恕端拜。申稟提舉郎中尊契家丈台。

坐。伏拜真灑列篚以紋果肴粉藻之珍畢備。
託契如許其何以辭。但徒成勾引為媿耳。占
禽簡膚。即日須面謝。併丐台察。右謹具申呈。
九月日。判散大夫起居舍人兼權直學士院
兼國史院編修實錄院檢討官兼侍講陸偃
劄子。

第二十四。縱九寸六分。橫一尺五寸四分。陸
秀夫行書。秀夫拜覆義山尊兄長坐前。秀夫

比僭就羣玉府。借至英光帖一本。久留皇愧。
端此歸納。切幸。既至深居詩帖。久欲臨寫。數
紙而未能。敢乞暫借數日。常用副墨。之子
姓某氏。不煩頤旨。其來將有所委之也。草草
拜字。它存侍竟不宣。秀夫拜覆。義山尊兄長
坐前。蠲糝紙就覓一幅。欲作籤題。于煩皇恐。
秀夫另幅。胡長孺仇遠跋。

長端三十二年前。溫陵舟中。與君實甫分湊。
然有惜別意。又明年二月死海上。原貞之節。

蓋有所不及。君實純容無絕異於人。氣冲語溫。所立固如此。北國郭元德哀其尺牘若干。紙為四卷。今其家無有孤遺。故人念之。至如此。元德之視榮附。庠捐者有間哉。長孺題。鈐。

印五。金華胡長孺。汝中父。願樂齋。

士大夫預人國家事。當以節義功名為本。徒

以區區翰墨傳後。抑末矣。予叢在餘英沈則

正處。見沼水李清卿一帖。清江羅壽可處。見

文山文宋瑞一帖。今於京口郭元德處。見此

帖。真成三絕。忠烈之氣。奕奕浮動紙上。百世

之下。使人感憤。錢塘仇遠題。拜啟。書鈐印。

山村。

謹案是蹟。見書畫彙考。

收傳印記關內侯印吳興印歐陽元印鮮于

河東三鳳印薛氏家藏貞元印衍極堂縉雲

葉氏浦江旌表孝義鄭氏鄭杓子徑鄭杓易

庵圖書閩傳尤明愛山堂名印士奇之印楊

氏家藏黃琳美之黃美之氏琳印江表黃琳

休伯唐白虎京口郭景星義山父喬氏私印

喬簣成氏仲山父印王濟見過王濟賞鑒過

物濟之南昌袁氏家藏珍玩子孫永保何氏

家藏何氏私印政和弼亮之儒潛藩舊德太
宰正獻之裔畏齋何處恬智夫圖書珍玩何
元朗氏何良俊印陸沈金馬門明安國玩臨
川王氏宣和書學博士江南徐氏仍孫博士
圖書張羽鈐韓氏之印張重遷印木菴居士
莊馨世孫子方氏楊嘉壺中丹室柘湖居士
錢其恒印水村秘藏清玩屠存智印滁陽昭
勇將軍屠氏家藏記

琴山陰賀氏陳定書印

陳定平生真賞。以御筌定珍秘。陳以御陳氏
世寶。瞻衣堂。樵李李氏鶴夢軒珍藏記。李珂
雪珍藏。蜨庵書畫。李肇亨。博雅堂寶玩印。李
君實鑒定。君實父印。李宗孔。守真抱一。曹溶
之印。珍繪堂記。曹溶鑒定書畫印。曹溶潔躬
半印。曹氏寶藏。古欽州觀復齋書畫印。吳沈
氏有竹莊圖書。沈氏寶玩。壬午。甲辰。西碧山
房。戊巳子孫。正獻之後。口口亨利。清源王孫。

聲明金匱石室之書敬印張氏圖書劉嶸之
印原之私印橘里清賞橘里清玩忠孝世家
神奇珍秘鑑古堂印安身印磨生心賞文與
口亭之裔子敬項薦壽印全卿項元汴印寄
傲神游心賞項子京家珍藏項墨林鑒賞章
子京所藏携李項氏士家寶玩子京父印子
京項墨林父秘笈之印携李子孫世昌墨林
秘玩天籟閣墨林主人墨林父墨林山人項

叔子清森閣書畫印。子孫永保。虛朗齋神品。
審定真跡。墨林懶叟。項元汴氏審定真跡。退
密香巖居士。鴛鴦湖長。世外法寶。有何不可。
平生真賞。癖茶居士。淨因庵主。墨妙印若水。
軒西楚王孫。六藝之圃。陳繼儒印仲醇印衆。
中口口。寶儉齋。王元美鑒賞。宣重光印江上。
宣氏圖書印。

宋十二名家法書 一冊

〔本幅〕素牋本。十四葉。第一籤標宋李西臺建中書。縱九寸九分。橫一尺二寸三分。行書。所示要土母。今得一小籠子。封全諮送。不知可用否。是新安缺門所出者。復未知何所用。望批示。春冬衣歷頭。賢郎未檢到。其宅地基尹家者。根本未分明。難商量耳。見別訪尋穩便者。若有成見宅子。又如何。細希示及。押諮孫

號西行少車。今有舊車。如到彼不用。可貨却也。另二幅。姜局等題跋。

古今書法。魏有鍾元常。晉有王逸少。唐則歐虞顏柳。前後相望。今觀諸家之書。皆滿酒出。唐虞規入。矩中間。柳氏顏氏。雖有肥濁瘦硬不同。然皆各得字之精妙。有未易以聲音笑貌及之也。下此則宋西臺李建中。其書法盡得古人之妙。故能風軌魏晉。掃滯塵俗。得其一點一畫者。皆可寶玩。而況全簡累字如此。君子能珍藏之。庶李氏之書不朽矣。金華姜局。

自憶西臺筆法精。良宵長使夢魂驚。淋漓未
卷晴窓下。秋露春雲酒欲醒。文江蕭引高。鈴
印一。玉壺秋露。

太古先生與予俱客江寧。雖居相密通而足跡頗疎為恨耳。秘閣晚出。凡格調見西臺李公墨蹟。乃云千里之地不能交一談而開青牕。思觀之深也如此。今昔不同。交誼何異。其書法則與蕺麓寺相似。間有一二行草。可謂絕今起古者也。宜寶之。制何王尹實跋。鈴印四。笑我口年六十餘。尹實。珊瑚玉樹。鳳凰池上客。唐人書法。自徐浩來已駁。駁入於宋矣。至蘇黃始一大變。而無復唐意。今觀李西臺書。雖在宋人。當去唐為不遠。前論謂其有李北海之風。是為知言矣。金華高士陳君大有得寶此帖。間出相示。觀畢謹識。時戊子歲五月一日也。獨山王僊書。鈴印一。然而成之。謹案是蹟。見珊瑚網。為六帖之一。亦見書畫彙考。四跋同。姜居。金華人。洪武二十九年。舉

今官教授局古良宅王尹寬四明人永樂時
以篆書極名海內

第二籤標宋蔡忠惠公襄書縱八寸七分橫
一尺一寸行書襄前曾手啟寓程僕還當得
通左右也賢弟來都備聞君侯動靖山居經
年寂寥曷以為懷僕近至京達有人事今亦
少空疎懶之人遇此殊非所樂耳專奉答為
謝十月廿六日不宣襄再拜茂才陳弟足下
謹空

第三籤標宋蘇文忠公軾書縱八寸九分橫一尺三寸八分行書一夜尋黃居寀龍不獲方悟半月前是曹光州借去摹搨更湏一兩月方取得恐王君疑是翻悔且告子細說與纔取得即納去也却寄團茶一餅與之旌其好事也軾白季常廿三日

謹案是蹟見書畫彙考刻入三希堂法帖

第四籤標宋王定國鞏書縱八寸二分橫一

尺四分行書。鞏已作冷淘一極。幸如約也。區
區口叙承惠團餅。珍感之至。有餘示之。聊陳
別。無煩枉書為慰。鞏再拜。

謹案是札列入
三希堂法帖

第五籤標宋黃山谷荊州帖。縱九寸八分。橫
一尺二寸九分。行書。庭堅再拜。道塗疲曳。不
得附承動靜。遂六十許日。處處阻雨雪。今乃
至荊州。爾春氣暄暖。即日不審體力何如。王

事不至勞勤。頗得與僚友共文字之樂否。所
差人極濟行李道上殊得力。荊州上峽乘舟
不大費而差安便。遂不須人。故遣回明日登
舟即行。方此阻遠。臨書增情。千萬為道自重。
謹勒手狀。三月四日。庭堅再拜。上公。蘊知縣
宣德執事。紙尾有臣柯九思進入字。

此卷是蹟刻入
三希堂法帖

第六籤標宋錢穆父總書縱一尺七分橫八

寸一分。行書。先起居贈開府儀同三司司空
一帖。先叔父修懿尚書儀同十八帖。已上。元
祐庚午十二月。知軍州事。總因移高陽安撫
使。殫墳。遂命裝襦付沈氏。以防遺墜云。

謹案是蹟。見書畫彙考刻入
三希堂法帖。帖內所云先起居。乃總父起居舍
人知諫院房遠叔父乃翰林學士贈禮部尚
書明遠修懿其謚也。

第七籤。標宋米禮部帶書。縱九寸一分。橫六
寸六分。行書。真脉一。少將微意。欲置此集。

寶去又一兵陸行難將都門有幹示下脉是
胡西輔所送帝皇恐頓虞老可喜必相從歡
。 謹案是蹟見書畫彙考

第八。鐵標宋薛脩撰紹彭書縱七寸九分橫
九寸三分。草書紹彭再拜欲出得告慰甚審
起居住安壺甚佳然未稱也芙蓉在從者出
都後得之未嘗奉呈也居采若是長幘即不
願看橫卷即累示之幸甚別有奇觀無外紹

彭再拜伯老太守。方壺附還。

謹按是札刻入
三希堂法帖亦見快雪堂帖

第九籤標宋劉文憲公正夫書。縱九寸七分
橫一尺三寸八分。行書。正夫頽首又啟。遠辱
手翰。得聞佳履。殊用慰慰。正夫乍至都下。公私
擾懷。叙布草畧。惟亮幸甚。他真珍齋。以需褒
除。正夫頽首。

謹按是跡見書畫彙考。刻入
三希堂法帖。正夫字德初。衢州西安人。官尚書。

第十。籤標宋王羊羔升書縱九寸六分橫一尺四寸九分。草書升再拜。袁老杜門多病。久不承興居之間。日益系詠。近魏端叔見臨。能道動止之詳。用以為慰。累蒙見許。一過敝園。竟不聞足音。因出切幸。迂臨至叩。升再拜。

謹案是蹟。見書畫彙考。

第十一。籤標宋吳傳朋說書縱九寸五分橫

一尺三寸。行書說頓首再拜。昨晚特枉誨翰。
適赴食歸已暮。不即裁報。皇恐皇恐。閱夕不
審。台候何似。寵速佩眷。意之渥。豈勝銘戰區
區。併遲瞻叙。適在他舍。脩致率畧。幸察不宣。
說頓首再拜。御帶觀察尊親侍史。

謹案吳說字傳朋號練塘錢塘人見書史會
要。

第十二籤標宋吳少保琚書縱九寸七分橫
五寸九分。行書。杞宋文獻不足而禮無所取。

謠先聖憫之。今觀唐李氏譜牒命告宛然具
存。迺知來裔善守其家者如此。攬卷為之三
歎。時淳熙丙午歲中秋後四日。書於淮東總
餉官舍。延陵吳琚。九月廿六日。又幅縱同前。
橫六寸。行書。焦山題名。延陵吳居父解組襄
陽。汝陰孟子開。臨邛常叔度。皆一時秩滿聯
舟東下。泊紫金山。越三日。來浮玉觀。新建飛
仙亭。又三日。絕江而南。紹熙辛亥季秋丙寅。

題

謹案前一帖見書畫彙考後一帖刻入
三希堂法帖。吳琚字居父。南宋外戚。官少師。判
建康。夜無留守。宋史有傳。

題籤

御筆

宋十二名家法書

古香齋
鑒定

鈐寶一乾隆

宸翰

鑒藏寶璽

八璽
金

收傳印記緝熙殿寶御書口口殿印
辛悅生

之記印天厯之寶天祿永昌清白傳家縉雲

葉氏大雅吳興開國浦江旌表孝義鄭氏至

寶寶是口明印寶儉齋清森閣書畫印何元

朗氏王綱李宗孔復徵玉乳張羽珩審定真

跡李君寶鑒定圖書府鑒定印圖書府天籟

閣桃花源裏人家項元汴印墨林秘玩項墨

林父秘笈之印從吾所好神游心賞翰墨林

鑒賞章退密項子京家珍藏虛朗齋淨因庵

子京所藏項叔子寄傲子京子孫世昌項墨
林鑒賞章。携李項氏士家寶玩平生真賞。子
孫永保。子京所藏虛朗齋魚鳥無恙翰墨林
松子閣黃琳美之休伯陳定印陳氏家藏陳
氏世寶陳定平生真賞。陳呂御呂御鑒定珍
秘。陳定書印王氏豫嘉珍賞圖王記重光宣
在辛。句曲山莊守真抱一江上外史潤州宣
重光鑒定印。

蘇氏一門法書 一冊

本幅素牋本十一葉蘇軾五帖蘇轍四帖蘇
邁一帖蘇過一帖

第一蘇軾尺牘縱八寸一分橫五寸八分行
書尊丈不及作書近以中婦喪亡公私紛冗
殊無聊也且為達此懇軾又白

第二蘇軾尺牘縱八寸一分橫四寸六分行
書京酒一壺送上孟堅近晚必更佳軾上道

源兄十四日

謹按杜沂字道源。軾在黃州時。為作菩薩泉詩。

第三蘇軾尺牘。縱七寸二分。橫五寸五分行。
書。大人令致懇。為催了禮書事。兀未及上問。
昨日得寶月書。書背承批問也。令子監簿必
安勝。未及脩染。軾頓首。

謹按寶月。乃僧惟簡。軾族兄出家。有塔銘。見軾本集。

第四蘇軾尺牘。縱七寸一分。橫五寸五分行。

書道源無事只今可能在願啜茶否有少事
須至面白孟堅必已好安也軾上恕草草
第五蘇軾尺牘縱九寸五分橫七寸九分行
書令子所示專在意來日相見即達之但未
必有益此輒送十緡省為一奠之用患難流
落中深愧不能展毫末也不罪不罪軾手啟
第六蘇軾尺牘縱八寸橫四寸六分行書輒
啟雪甚可喜宴居應有獨酌之樂區區書不

能盡轍頌首。定國承議使君廿三日。

第七蘇轍尺牘。縱八寸。橫四寸六分。行書。承
惠教兒子。相次上謁。轍上定國閣下。

謹按以上二札皆致王鞏書

第八蘇轍尺牘。縱七寸五分。橫五寸。行書。轍
啟晴寒。願況清安。今晚有暇。一訪甚幸。不具
轍頌首。定國使君仁弟。廿七日。

第九蘇轍尺牘。縱七寸五分。橫四寸四分。行

書安君文字今日已晚來日督之次海即催
之改中無復義理可為太息

第十蘇邁尺牘縱九寸四分橫一尺五寸七
分行書邁拜問台眷一一萬福別紙祈悲尚
容細處之它委勿鄙邁拜問

第十蘇邁詩帖縱九寸一分橫一尺四寸
六分行書試後四詩過錄呈金陵上吳開府
兩絕句時平無事清吟好衛霍貪功未是奇

爭似一篇人膽災四方傳誦卧龍詩

開府帥襄陽時

嘗遊隆中為諸葛孔明賦詩有翻覆看俱好之句為世稱誦故云

廟堂陶鑄

人材盡流落江淮老病身又踏槐花隨舉子

思量鄧禹是何人再遊儀真呈張使君江淮

冠蓋開如林求一已知何處尋風月欲談嫵

許事山川不險似人心使君德量如天遠舉

子科名自陸沈秋氣未悲先淚下黃花雖好

不曾簪寄如皋葉尉借馬石莊去天寒曉出

門亂周行。兔窟數點入鴉村。欲醉酒力薄如
迷海氣昏。客遊無限事。端的向誰言。

前人題跋

唐弼杜氏。自其曾大父四世。與眉山三蘇遊。
書帖具存。終興癸丑中秋。安中過惠州。登白
鶴峯。拜東坡象。觀壁間所刻詩文。則皆後人
追書。求公翰墨。已不可得。後十二月。邂逅唐
弼於潮陽。出此卷相示。二翁兩儒。千載不沒
之氣。凜凜在目。猶恨獨無叔黨字畫。方求類
於舊門。願小坡之不存。龍駒已逝。駸骨萬金。
亦可為歎息也。中山王安中題。
杜唐弼出眉山蘇公父子與其先書十一帖。
以示予。君懿於唐弼。曾大父也。明允友君懿。

而兄事之。道源以父任薄其官。有子孟堅。踐世科。道源從游侍旁。時過子舍。孟堅官於黃。子瞻適蒲。道源過之。遊相好也。孟堅金陵丁外艱。子瞻赴英州。阻風石頭。唐弼方少。往見。從容累日。所為求哀挽者。子瞻按杜氏四世觀其書。可以識其年。晚與孟堅江上帖。筆勢歌。傾而神氣橫溢。蓋以其莫歲之尤然不數月而病且死矣。唐弼材而賢。是能世其家者。建炎己酉閏月庚辰。魏郡吳玠跋。

題籤

御筆

蘇氏一門法書

內府珍藏

鈐寶二御賞乾隆

宸翰

鑒藏寶璽

八璽

收傳印記。廷。吳廷。季振宜印。一字說分。曹溶秘玩。曹溶鑒定書畫印。兩河使者。白學先生。

通白。古林。

謹按是蹟。見書畫彙考。十一帖并題跋俱同。惟前有蕪。洵臨顧帖。後有何行中趙子崧題名。僧上振跋。蓋前後俱失去一葉也。王中允字履道。曲陽人。官尚書左丞。有栢寮集。吳元字正仲。即靖康時為金人傳立。張邦昌者。奉中蕪賦。第二三四五札。蕪過試後四詩俱刻。

三希堂法帖。又按王中允跋云。獨無叔黨字。今

冊中明有過書試後四詩。乃後所續。非杜氏
之舊矣。王世貞謂元人妄以劉過龍洲集為
蘇過。斜川集。今考永樂大典所收斜川集。無
此四詩。而明刻龍洲集有之。是亦劉過書。名
同致誤耳。安中跋無蘇過書。益信。

趙氏一門法書 一冊

〔本幅〕宋牋本。十三幅。趙孟頫尺牘十一。管道昇尺牘一。附趙雍書淨土詩一。第一縱九寸八分。橫二尺二分。趙孟頫行書。孟頫和南拜覆中峯和上吾師侍者。孟頫歸自吳門得所惠字。審道體安隱。深慰下情。示諭陳公墓志。即如來命。寫付月師矣。送至潤筆。亦已祇領。外蒙誨以法語。尤見愛念。即與老妻同看。惟

有頂戴而已。此番杖錫恐可還山中。瞻望白

毫。不勝翹想。不宣。弟子趙孟頫和南拜覆。月

師云。吾師近到敝舍。而弟子偶過吳門。不得

一見。不勝悵然。

鈴封中峯和上吾師侍者孟頫和南謹封鈴印一趙孟頫

印。第二趙孟頫行草書。縱九寸九分。橫二尺

一寸一分。孟頫和南再拜。中峯和上老師侍

者。孟頫汨汨俗塵中。每蒙尊者不棄。時時賜

問。顧惟何者。乃辱過愛如此。當亦是前世有

緣故耶。近一病兩月。幾至不起。得鮑君調理。方似小差。然眠食未復常。氣力憊憊。憂之深。至於生死之說。師所謂委順者。固已知之矣。感師提誨。情何敢忘。蒙寄惠酒。豉粒。皆是禪味。敬領。莫知所報。阿孫迴。草草道謝。春深猶寒。山中當益甚。惟珍重。珍重。不宣。孟頫和南再拜。廿四日。良侍者前蒙惠藥。甚濟所乏。莫為道謝。

鈐封中奉和上老師侍者弟子趙孟頫再拜謹對鈐印一趙孟頫印

第三。縱九寸。橫一尺六寸。趙孟頫行書。弟子趙孟頫和南拜覆中峯老師侍者。近數有人自山上來。知道體安隱。慰不可言。茲有少稟。讀杭州報國寺。在舊內中。棟宇極大。去歲九月。火災止存三門。猶足稱雄於諸寺。近笑隱訢老住持。欲求大和上信筆草一疏。渠欲持以為興復之計。弟子與訢老有文字之交。故敢干聒。方盛暑中。求法語者無數。度老師必

大厭之。而孟頫又復有請。亦恃慈悲故耳。唯
恕之而曲從之。幸甚感甚。餘惟珍重。珍重不
備。弟子趙孟頫和南。六月廿一日。

鈐封手書
和南拜上

中峯大和上老師侍者。弟子趙孟頫謹封。第四。縱九寸七分。橫一

尺九寸四分。趙孟頫行書。弟子趙孟頫和南

上記。中峯和上老師侍者。孟頫得旨南還。何

圖。病妻道卒。哀痛之極。不如無生。酷暑長途。

三千里。護柩來歸。與死為隣。年過耳順。罹此

荼毒。惟吾師慈悲。必當哀憫。蒙遣以中致名
香之奠。不勝感激。但老妻無恙時。曾有普度
之願。吾師亦已允許。孟頫欲因此緣事。以資
超度。不審尊意以為何如。又聞道體頗苦渴
疾。不知能為孟頫一下山否。若仁者肯為一
來。存歿拜德。不可思議。以中還。謹具拜覆。哀
感不能詳悉。併祈師照。不宣。弟子趙孟頫和

南上記。六月十二日。

鈴封。中峯和上老師。弟
子趙孟頫和南再拜謹

封第五。縱八寸四分。橫二尺一寸六分。趙孟頫
行書。弟子趙孟頫和南拜覆。中峯和上師
父侍者。孟頫自老妻之亡。傷悼痛切。如在醉
夢。當是諸幻未離。理自應爾。雖疇昔蒙師教
誨。到此亦打不過。蓋是平生得老妻之助。整
卅年。一旦哭之。豈特失左右手而已耶。哀痛
之極。如何可言。過蒙和上深念。遠遣師德。賜
以法語。又重以悼章。又加以祭文。亡者得此。

固當超然於生死之塗。決定無疑。至於祭饌之精。又極人間盛禮。尤非所宜蒙。歿存感載。不知將何上報師恩。雖亡者妄身已滅。然我師精神之所感通。當不能無望於慈悲拯拔。俾證菩提。此則區區大願。因俊兄還山。謹此具覆。臨紙哽塞。不知所云。六月廿八日。弟子

趙孟頫和南拜覆中峯大和上師父侍前。

共錄

和南拜覆中峯大和上師父侍前。弟子趙孟頫謹封。第六縱八寸三分。

橫二尺三寸四分。趙孟頫行書。弟子趙孟頫
和南再拜。中峯和上老師侍者。以中來。得兩
書。披讀如對頂相。感激慈念。不覺淚流。蓋孟
頫與老妻。不知前世作何因緣。今世遂成三
十年夫婦。又不知因緣如何差別。遂先棄而
去。使孟頫栖栖無所依。今既將半載。痛猶
未定。所以拳拳欲得師父一臨。以慰存歿之
心耳。今蒙諭以病惱之故。弟子豈敢復有所

請賜教普度榜文情旨。仰見慈悲。此事度葬
事以前。必不能辦。一則事緒紛忙。二則氣力
難辦。已與以中子細商量。直伺東衡房屋完
備。就彼修設。庶望山靈川祇。方隅禁忌亡者
神識。冤親之等。皆霑福利耳。想老師亦必以
為然也。聞老師有疝氣之疾。已寫方與以中
恐可服也。謹此拜覆。圓覺俟再寫納。併乞清
照。弟子趙孟頫和南再拜。中峯和上老師侍。

者。

鈴封和南復書中峯和上老師侍者弟子趙孟頫謹封。

第七縱九寸

五分。橫一尺八寸。趙孟頫行書。弟子趙孟頫和南再拜。中峯大和上老師侍者。昨以中還山。草草具字。陳叙下情。茲承嘉上人下訪。特蒙惠書。審即日道體勝常。深用為慰。又知以中十七日方登天目。所謂普度功德。此乃先妻願心。必須為之。但日期未敢定。臨時又當上稟耳。海印雖有登山之約。然亦未可必。外

承指示卅年陳迹。宛若夢幻。此理昭然。夫復何言。但幻心未滅。隨滅隨起。有不能自己者。此則鉅根所障。亦冀以漸消散耳。圓覺經尚有「三章未畢。一得斷手。便當寄上。又恐字畫拙惡。不堪入板。然惟師意。秋暑不欲久滯嘉兄。懇此具復。餘畫珍重。理不宣。孟頫和南再拜。中峯大和上老師侍者。廿三日。

鈐封中峯大和上老

師弟子趙孟頫第八縱九寸八分橫一尺八

和南拜上謹封

寸五分。趙孟頫行書。孟頫和南拜覆中峯和
上老師侍者。孟頫。千江入城得誨帖。知杖錫
以籃輿入山。益深聞之甚為驚歎。頃時時有
人持法語見過。每以人不識好惡。與從孟頫
求書者無異。是與不是。必要滿幅盈卷。問其
所以。莫知好處安在。徒使人終日應酬。體疲
眼暗。無策可免。雖吾師道大語妙。不可以此
為比。然其疲於應接。亦豈不然耶。和上既已

入山。在孟頫輩。便未有望見頂相之期。為之
悵然。殆不容說。又先妻無恙時。曾有普度之
願。滿擬和上一到東衡。為了此緣。今既不然。
只得請千江主其事。若其他人。孟頫殊不委
信。想和上亦以為然也。聞有便草。草具覆。臨
紙不勝馳情之至。山深林密。地多陰濕。惟冀
珍重珍重。不宣。弟子趙孟頫和南拜覆。四月
十二日。

鈐封。中峯和上老師侍者。弟
子趙孟頫和南拜上謹封。第九縱

九寸四分。橫二尺六分。趙孟頫行書。弟子趙
孟頫和南拜覆。中峯大和上尊者尊前。孟頫
近者拜書。謝丹藥之惠。言不盡意。想蒙深察。
雨後漸涼。山中氣當已寒。惟道體安隱。孟頫
自先妻云亡。凡事罔知所措。幸得雍子種種
用力。稍寬焦煩。兩日來覺眠食粗佳。但衰年
無緒。終是苦惱。小兒時去東衡營治葬事。略
有次第。擇九月初四日安厝。勢在朔旦日起。

靈區區欲躬詣丈室。拜屈尊者。為先妻起靈
掩土。亦想師父尋常念愛之篤。勤勤授記。先
妻於師父所言所惠字所付話頭。未嘗頃刻
忘之。今日至此。實是可憐。師父無奈何。只得
特為力疾出山。庶見三生結集。非一時偶然
會合之薄緣耳。弟子本當親去禮拜。而老病
不可去。欲令小兒去。又以喪葬事繁。萃於此
子。又去不得。故專浼月師兄代陳下情。惟師

父慈悲。必肯為弟子一來。若蒙以他故見拒。則是師父與亡妻不復有慈悲之念。而有生死之異也。孟頫復何言哉。臨紙不勝哀痛涕泣。俟望之至。不備。八月廿二日。弟子趙孟頫和南拜覆中峯大和上尊者尊前。鈐封中峯大和上師父尊者。弟子趙孟頫和南拜覆謹封。第十。縱八寸八分。橫一尺六寸五分。趙孟頫行書。孟頫和南上覆中峯和上老師侍者。孟頫紛紛塵事中。不得以時。

上狀。惟極馳嚮。漸熟伏異道體安隱。五月十日。老妻忌辰。一如前議。命千江菴主主持了。普度一事。只作一晝夜。日誦法華。夜施十燈十斛。兼三時宣禮法華懺法。區區不敢祇屈尊重。敢乞慈悲。就山中默加觀想。庶使無情有情。及亡者俱獲超度。孟頫拜德。豈有已哉。因幻住道者上山。謹附短狀。餘惟珍重。珍重。不宣。大拙以中來侍。并異道及下意。四月廿

六日。弟子趙孟頫和南中峯和上老師侍者。

鈴封中峯和上老師侍者。弟子趙孟頫和南謹封。鈴印一。趙子昂氏。

第十一。縱九寸五分。橫一尺一寸五分。趙孟頫行書。弟子趙孟頫和南再拜。中峯和上老師侍者。孟頫政以久不上狀。聞苦瘡疾之疾。深助耿耿。而賤體亦為老病所纏。眠食日減。畧無佳況。大拙來收兩書。第二書報以中示寐。不覺失聲。蓋平生荷以中至為相愛。今

其長往。固是無可深悲。但人情世諦。自不能
已耳。和上年來多病。恐亦不必深惱。人誰無
死。如空華然。此不待弟子言也。惠茶領次。知
感。因大拙還草草具答。時中惟珍重之祝。不

宣弟子趙孟頫和南再拜。閏月廿日。

鈴封和南再拜

中峯和上老師侍者弟子趙孟頫謹封鈴印一趙子昂氏第十二。縱一尺。

橫二尺三寸。管氏道昇行書。道昇和南拜覆
本師中峯和上大禪師法座前。道昇拜別頂。

相動是數載瞻仰之心。日積不忘。年時得以
中首座來都。如見師父尊顏。備審道體清安。
甚為慰喜。道昇手書般若經。報薦先父母深
恩。及救薦亡兒女輪迴之苦。極感謝我師大
發慈悲。點化亡者。皆得離苦海。我師但起一
念。何獨道昇公姑父母兒女得生淨土。一切
法界含靈。皆成佛道。盡證菩提矣。道昇粉骨
碎身。生生世世。報答我師大和尚慈悲深恩。

耶。道昇疊蒙賜書。知前年吾師所惠書。及錄
題經讚法語寄來。至今並未曾收得。不識當
元何人送去。聞知快快。道昇一面作書於家
間。問舍姪去也。去歲以中送去般若經五卷。
又蒙本師慈悲。展讀點化。又各得題讚存歿
重感我師。道昇宿業甚重。每日人事擾擾。不
能安靜。長想我師慈悲。指教尋思話頭。但提
起終得受用。道昇與良人誠心至願。但得到

家。只就家庭脩設。拜懇本師大和尚。大發慈悲。普度一切鬼神。一切有主孤魂。一切無主孤魂。一切冤親。良人與道昇祖上父母兒女。外祖妣奴婢。及一切法界含靈。莫墮三塗惡苦。願皆得早生佛界。此乃良人與道昇心願。已託以中兄先覆知師父大和尚。今春僕迴。又拜吾師惠書及心疏。道昇等拜觀。如心如願。良人見之。生歡喜心。尤增感佩。我師如此。

大發慈悲。度脫一切衆生。是道昇等七世父
師之恩。何以報謝深恩。今因的便。特拜此書
報安。更乞善保愛。不宣。六月初七日。女弟子

管氏道昇和南拜覆。

鈴封。和南拜覆本師中
奉大禪師法座前。女弟

子管氏道昇謹
封鈴印。一趙管。

末幅附趙雍書。素牋本。縱一

尺二分。橫二尺一分。行書。六藝俱全。美丈夫。

畫堂終日醉相呼。要知不陷輪迴窞。莫負黃
金丈六軀。一十二時機未瞥。百千萬劫苦誰

逃。雖然身在同居士。誰肯低頭禮玉毫。重重
寂勝黃金閣。疊疊莊嚴白玉池。多少衆生無
夢到。鎔湯爐炭自羈縻。勢至常談母憶兒。同
於形影不相違。自憐一个彌陀佛。却把黃金
鑄面皮。仰扣當來父母邦。道師遥指在西方。
草鞋不是無錢買。惟恨家鄉路易忘。一尊古
佛天來大。四色花池海樣寬。自是衆生無眼
力。當機不隔一豪端。右中峯和尚作懷淨土

詩。吳興趙雍仲穆書。鈐印一。仲穆。

後副葉前人題跋。

承旨先兄與天目中峯和上手帖。并魏國夫人書。計十二紙。其弟子裴池襲藏。寶護以傳。久速。觀者無不讚嘆。天曆三年二月廿四日。趙孟頫題。鈐印一。趙子俊氏。

翰林承旨松雪趙公。文章詩法。妙天下。然世獨稱其善書。何也。蓋書法易入眼。而文與詩非造於理者。不易識。故往往稱善其字耳。今觀與天目幻住老祖書。計十一紙。并魏國夫人書。一紙。共一十二幅。深得王右軍之妙。雖矣。今世學之者。或肥似而溫潤不及之。此少陵所謂龍種自與常人殊。真佳言也。甲午秋八月二十二日。松泉比邱幻孫永寧拜題。鈐。

印三。靜菴吳興山房松泉隱者。右趙承旨手牘十一紙。并魏國夫人書一紙。皆與天目幻住公者。承旨所云。悉為夫人致後。與住商評。欲修事薦嚴時。承旨老矣。音詞悅。惻讀之。可為興感。不知當時本老答語。何以寫其憂也。夫人以書般若。若得公讚嘆。致謝云云。皈依之誠。尤為迫切。本之徒寧通作一卷。今歸黃令公淮東書院。藏之間。以相示。余謂三士咸從菩薩地來。所謂應以此。邛宰官信女身而得度者。因緣聚會。乃如此。今皆還淨土矣。學士夫人。不能釋然於現在之時。而余為勘破於過去之日。相對一笑。摩挲移日。不獨以其翰墨之妙而已也。吳門祝允明跋。鈴印一。希哲。

趙魏國書散滿天下。亦時時獲觀。惟夫人跡乃世罕有。此卷之可貴者。正在是耳。或謂

松雪嗜好佛法太過者。彼其時宋社墟矣。泰
離之懷。不於空觀而焉寄。此則在所當慨。而
不當認夢為實也。宏治癸亥十月。在錦衣君
清淮堂畫。前進士吳郡楊循吉。鈐印一。君謙
子昂書中龍象。當時與之同世者。皆沾餘潤。
遂成名家。况畫眉閨度。寧不傳授。筆訣與之
俱化耶。觀魏國夫人尺一題。董其昌鈐印一。

文氏傳雲館帖。從此卷真蹟摹出。乃文敏家
得意書。自右軍大令後。直接宗派。非唐人所
及也。今為惠生鑒藏。墨池中一段奇事。董其
昌觀因題。庚午夏五望前二日。鈐印二。元宰
董其昌印。

題籤

御筆

趙氏一門法書

品能

鈐寶二。內府珍藏。乾

隆御筆。

鑒藏寶璽

八璽全

〔收傳印記〕

江表黃琳。休伯。吾軒。黃琳印。黃

琳。美之子。綦父。書畫府印。

琳陸氏松泉隱

者。文徵明印。衡山。文彭之印。文壽承氏。三

槁居士。神品。退密。神遊心賞。翰墨林。子京。

項元汴印。項墨林鑒賞法書名畫。項子京

家珍藏項墨林鑑賞章。子孫永保。墨林父虛
朗齋平生真賞。項元汴氏審定真跡。項墨林
父秘笈之印。寄傲香嚴居士。墨林山人。子京
項氏元汴珍玩書畫之印。愜心半印淨土半印墨
林秘玩遊方之外。墨林山人。項元汴印。子孫
世昌。項墨林翰墨印。篤壽子長。項叔子。誠思
齋。樵李。項氏子京寶玩。宮保世家。子京珍秘。
從吾所好。子京所藏。天籟閣。田疇耕耨。墨林

山人沮溺之儔。項氏子京。若水軒。項子京印。
蘧廬會心處。桃里項墨林印。

謹按是冊原止孟頫十一帖。道昇一帖。自趙孟頫這董其昌諸跋皆指此十二帖。後人更取趙雍所書淨土詩附入。以成第一門之蹟耳。此冊曾刻入傳雲館帖。惟第一第九第十第十一。及道昇一帖未刻。書畫彙考載此蹟亦不連。趙雍書楊循吉吳縣人。成化進士。禮部主事。